

Neweabaakin te Tembora

Svetan e ingainga ni kan nako n rin n te tembora!

Iroun Carolina Marín

(E boboto iaon te karaki ae koaua)

E riki te karaki aei i Amerika.

Enamakina te kukurei Svetan. Ana utu a Emwaing mai Argentina nakon te United States. Ao n te tai aei e a roko aia tai n toka n te wanikiba ae bubura!

E taraa tinaniku man te winto Svetan ngke e kibarake te wanikiba. E iangoia bwa aekakira taraakin mweengana ae boou. Bwaai ni kabane a na bon bae ni kaokoro. Te auti ae boou. Te ruu ni matu ae boou. Kain rarikira ae boou. Ao rao aika a boou ake e na kaitibo ma ngaiia! E ingainga Svetan.

E ataiia naba Svetan bwa mweengana ae boou e kaan nakon te tembora are e a tibwa kateaki. I Argentina, te tembora e rang raroanako. E tii nonooria n tamneina.

Svetan e rairaki nakon Mami. “N am iango tina kona n noora te tembora mai karawa?”

E wiingare Mami. “I aki ataiia raoi. Ma tina nooria n te tai ae waekoa.”

E wiingare n oki Svetan. Mami ao Papi a taku bwa e tuai moa n uki te tembora. Ma n te tai ae waekoa e na iai kaukan autina. Nanon anne bwa aomata a kona n rin inanona n nooria imwain ae e katabuaki. Ao ana utu Svetan a na bon nakon kaukan te auti! E aki kona n tatanninga ni kan noora te tembora ni matana.

Tabewa te aoa imwiina, Svetan ao ana utu a roko n aia auti ae boou. E mwaiti te bwai ae a na karaoia. Svetan e buoka kaukan aia bwaaki ao a katamaroa aia auti.

Tebongina imwain kaukan te auti, a tekateka n te katangaina ni marooro.

“Te tembora bon ana auti te Uea,” e taku Mami. “Ngkana ti roko inanona, ti riari ni karinerine. “Ko ataiia bwa tera nanon anne?”

“Tina taetae ni karaurau n te aro bwa ti aonga n ongo raoi iroun te Tamnei ae Raoiroi?” E titiraki Svetan.

“Eti anne,” e taku Mami. “Ti kona n reiakina ae mwaiti ngkana ti roko n te tembora.”

E katoutoua atuuna Svetan. E tangiria ni bwaina te karinerine bwa e aonga ni kona n namakina te Tamnei ae Raoiroi inanon te tembora.

Te ingabong are imwiina, e uti mwaaka Svetan. E karina oneana n te Tabati. Imwiina e a roko aia tai ni mwananga.



Ana roko ana utu Svetan n te tembora. Aomata a buokiia ni karini buraetitiki aika a uarereke n rabuni aia kau.

“Bukin tera ngkai a karini baeki aika a uarereke aikai iaon waeu, Mami?” E titiraki Svetan.

“Ibukina bwa inanon te tembora bwaai ni kabane a boou ao a itiaki. Ti tangiria n tararuaiia.”



HOLINESS TO THE LORD THE HOUSE OF THE LORD

A butimwaeaki iroun te aine. E wareki taeka ake iaon mataroan te tembora: “Mimitong nakon te Uea—ana auti te Uea.”

Svetan e taua bain Mami. A nakonako inanona. A bane n tikiraoi bwaai ni kabane! Tao aio aron namakinan karawa.

“Taraia!” E wirikiriki Svetan. E kotea te korobanna. “Arei Iesu!”

Ngke a tia, Svetan e namakina te kukurei. E kakaitau bwa e kona n rin inanon te tembora. E tangiria n rinnako riki inanona ngkana e ikawai riki. ●

E kanga Svetan ni katauraoui n rin inanon te tembora?